

III. OUTRAS DISPOSICIÓNS**CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL**

RESOLUCIÓN do 21 de maio de 2026, da Dirección Xeral de Formación Profesional, pola que se ditan instrucións para a preinscrición, admisión, matrícula e organización académica nas escolas oficiais de idiomas de Galicia no curso 2026/27.

A Lei orgánica 2/2006, do 3 de maio, de educación, modificada pola Lei orgánica 3/2020, do 29 de decembro, no seu artigo 59.1 establece que as ensinanzas de idiomas de réxime especial se organizan nos niveis básico, intermedio e avanzado e que os ditos niveis se corresponderán, respectivamente, cos niveis A, B e C do Marco común europeo de referencia para as linguas (MCERL), que se subdividen, pola súa vez, nos niveis A1, A2, B1, B2, C1 e C2.

En consonancia co disposto nos artigos 6 bis.1.e) e 6 bis.3 da dita lei, o Goberno fixou no Real decreto 1041/2017, do 22 de decembro, as exixencias mínimas do nivel básico para os efectos de certificación e o currículo básico dos niveis intermedio B1, intermedio B2, avanzado C1 e avanzado C2 dos idiomas impartidos nas escolas oficiais de idiomas, co fin de asegurar unha formación común e garantir a validez dos certificados correspondentes.

Igualmente, o artigo 59.1 establece que as ensinanzas do nivel básico terán as características e a organización que as administracións educativas determinen, e o artigo 60.1 dispón que as ensinanzas de idiomas correspondentes aos niveis intermedio e avanzado serán impartidas nas escolas oficiais de idiomas.

O Decreto 81/2018, do 19 de xullo, establece o currículo dos niveis básico A1, básico A2, intermedio B1, intermedio B2, avanzado C1 e avanzado C2 das ensinanzas de idiomas de réxime especial na Comunidade Autónoma de Galicia.

A orde pola que se aproba o calendario escolar para o curso 2026/27 nos centros docentes sostidos con fondos públicos na Comunidade Autónoma de Galicia establece o calendario escolar para o curso 2026/27.

Tendo en conta a necesidade de lle proporcionar información ao alumnado sobre os aspectos máis salientables do proceso de preinscrición, admisión, matrícula e organización académica destas ensinanzas, esta dirección xeral dita as seguintes instrucións.



*Sección 1ª. Acceso ás ensinanzas de idiomas de réxime especial***1. Condicións xerais de acceso para o curso escolar 2026/27.**

1.1. Para acceder a estas ensinanzas será requisito imprescindible ter dezaseis anos feitos no ano natural en que se comecen os estudos. Poderán acceder, así mesmo, aquelas persoas que teñan feitos catorce anos, para seguir as ensinanzas dun idioma distinto do cursado na educación secundaria obrigatoria como primeira lingua estranxeira.

1.2. O alumnado que desexe matricularse en español como lingua estranxeira deberá acreditar a súa condición de cidadá(n) dun país en que a lingua española non sexa lingua oficial, aínda que teña tamén a nacionalidade española.

1.3. Os requisitos e o procedemento de acceso para os cursos non ordinarios para a formación do profesorado son os establecidos no Decreto 75/2025, do 4 de agosto, polo que se regula a formación permanente do profesorado que imparte as ensinanzas establecidas na Lei 2/2006, do 3 de maio, en centros educativos sostidos con fondos públicos da Comunidade Autónoma de Galicia, e na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia.

1.4. O acceso ás ensinanzas de idiomas de réxime especial na modalidade a distancia do programa *That's English!* será regulado pola normativa específica publicada para tal efecto.

2. Acceso ao nivel básico A1.

As persoas que desexen acceder ao nivel básico A1 dun idioma por primeira vez deberán realizar unha preinscrición e, de obteren praza, formalizar a matrícula, conforme o artigo 4 desta resolución.

3. Acceso directo a niveis superiores ao nivel básico A1.

Poderase acceder directamente a un curso dun nivel superior ao A1 a través das seguintes vías:

3.1. Acceso por titulación, diploma ou certificado.

3.1.1. As titulacións, diplomas ou certificados acreditativos de ter competencia nun idioma, establecidos no anexo da Orde do 21 de xuño de 2016 pola que se modifica a Orde do



18 de febreiro de 2011, darán acceso ao primeiro curso do nivel inmediatamente superior ao acreditado. Do mesmo xeito, será de aplicación o establecido na táboa de certificados recoñecidos pola ACLES (Asociación de Centros de Linguas no Ensino Superior):

https://acles.es/uploads/archivos/Tablas_ACLES/Tablas_de_certificados_reconocidos_por_ACLES.pdf

3.1.2. Para os idiomas español como lingua estranxeira e galego, as correspondencias dos títulos, diplomas e certificados acreditativos de ter competencia do idioma establécense no anexo I desta resolución e outorgarán acceso directo aos cursos que se indican, segundo a normativa vixente para cada un deles.

3.1.3. Mentres o Goberno non determine as equivalencias correspondentes, de acordo co establecido no número 1 da disposición adicional única do Real decreto 1041/2017, as persoas que acrediten o título de bacharelato e superasen a 1ª lingua estranxeira terán acceso ao primeiro curso do nivel intermedio B1 desa lingua. Así mesmo, as persoas que acrediten o título da ESO e superasen a 1ª lingua estranxeira terán acceso ao nivel básico A2 desa lingua.

3.1.4. As persoas que acrediten o nivel C2 mediante unha titulación, diploma ou certificado dun organismo distinto das escolas oficiais de idiomas poderán acceder a este mesmo nivel.

3.1.5. As titulacións en idiomas expedidas polo Ministerio da Defensa (SLP, Standardized Language Profile) darán acceso directo aos cursos consonte o indicado na táboa ACLES.

3.1.6. O acceso por titulación, diploma ou certificado a un curso e nivel determinado non dará dereito en ningún caso á certificación dos cursos e niveis inferiores.

3.2. Acceso por probas de clasificación.

3.2.1. As probas de clasificación teñen por obxecto facilitarlle a incorporación a calquera curso e nivel dun idioma ao alumnado que dispoña de coñecementos previos desa lingua e non poida acreditálos de acordo co establecido no número 3.1 desta resolución. O acceso mediante este procedemento a un curso e nivel determinado non dará dereito en ningún caso á certificación dos cursos e niveis inferiores.

3.2.2. Terán dereito a realizar as probas de clasificación aquelas persoas que desexen acceder por primeira vez ás ensinanzas de idiomas de réxime especial.



3.2.3. Así mesmo, poderán realizar estas probas as persoas que cursaron con anterioridade estudos do idioma e que non se matricularon en réxime oficial nos dous cursos académicos anteriores. Este alumnado deberá ter en conta que, se o resultado da proba lle dá acceso a un curso que xa superou nese idioma, non poderá cursalo de novo, polo que o resultado da proba non terá efecto.

3.2.4. Poderán realizar as probas de clasificación tamén as persoas anteriormente matriculadas nun curso que non conduza á acreditación do nivel (cursos monográficos para profesorado e para público en xeral, relacionados nos números 14.2.1.b) e 14.2.3. desta resolución), aínda que estivesen matriculadas nos dous cursos académicos anteriores.

3.2.5. As persoas que desexen realizar as probas de clasificación deberán inscribirse nos prazos fixados por cada EOI e aboar os prezos públicos establecidos para tal efecto polo Decreto 89/2013, do 13 de xuño. Poderán inscribirse nunha soa proba de clasificación por cada idioma para acceder ás ensinanzas do curso 2026/27.

3.2.6. As escolas oficiais de idiomas convocarán probas de clasificación para cada un dos idiomas que impartan. Estas probas administraranse de acordo co calendario que estableza cada escola e os respectivos departamentos didácticos serán os responsables da súa elaboración, administración e avaliación.

3.2.7. Unha vez publicados os resultados das probas de clasificación, o alumnado que as realizase poderá solicitar a admisión no curso e nivel a que obtivo acceso, segundo os procedementos de preinscrición e matrícula establecidos nesta resolución.

3.2.8. O resultado das probas de clasificación ten unha vixencia de dous cursos académicos para os efectos de preinscrición e formalización da matrícula oficial nas escolas oficiais de idiomas de Galicia.

3.2.9. A incorporación ao curso que o resultado da proba determine estará suxeita á dispoñibilidade de prazos.

Sección 2ª. Preinscrición e matrícula

4. Alumnado de novo acceso.

O alumnado de novo acceso terá que realizar unha preinscrición e, de obter praza, nunha segunda fase do proceso deberá formalizar a matrícula nos prazos correspondentes.



Terán a consideración de alumnado de novo acceso, para os efectos de preinscrición e adxudicación de prazas, as seguintes persoas aspirantes:

a) As persoas que solicitan cursar estudos no nivel básico A1 dun idioma nas escolas oficiais de idiomas por primeira vez.

b) As persoas que solicitan acceso directo por titulación.

c) As persoas procedentes das probas de clasificación realizadas no ano 2025 ou na convocatoria de xuño de 2026.

d) As persoas que se incorporan ao ensino oficial tras superar as probas de certificación polo réxime libre.

e) As persoas procedentes doutra EOI por traslado de expediente.

f) O antigo alumnado que non estivese matriculado polo réxime oficial no curso 2025/26.

g) O alumnado que no curso 2025/26 só estivese matriculado nun curso para colectivos profesionais e público en xeral.

h) O alumnado matriculado por réxime oficial no curso 2025/26 e que presentou renuncia.

4.1. Prazo e ligazón de preinscrición.

A preinscrición realizarase en liña desde o 15 de xuño ata as 23.59 horas do 6 de xullo de 2026. A ligazón para realizala é <https://www.eoidigital.com/preinsxunta> (léanse as instrucións no anexo II desta resolución).

4.2. Procedemento de preinscrición e adxudicación das prazas.

4.2.1. Para poder realizar a preinscrición, a persoa candidata terá que identificarse. No caso de que se identifique cun documento distinto do DNI ou do NIE, deberá formular a solicitude presencialmente na Secretaría da EOI no prazo establecido para a preinscrición que, neste caso, estará suxeito ao horario da Secretaría do centro en que a persoa solicite praza.

4.2.2. Cada persoa poderá preinscribirse nun máximo de dous idiomas. Para cada idioma, poderá indicar ata tres preferencias de horario, de ser dispoñibles na oferta horaria dese centro.



4.2.3. No momento da preinscrición, a aplicación asignaralle un número a cada solicitude, independentemente da escola, idioma e curso solicitado. Para a asignación de prazas, o sistema informático en que se realizaron as preinscricións obterá un número de corte aleatoriamente, entre todos os números asignados a cada solicitante dese idioma no momento da preinscrición. A partir dese número asignaranse as vacantes dispoñibles.

4.2.4. O sorteo do número de corte realizarase en acto público, o día 8 de xullo, ás 9.00 horas, na EOI da Coruña (rúa da Educación, 1, A Coruña). O día 9 de xullo, o alumnado poderá consultar na aplicación web se foi admitido. As persoas que obteñan praza deberán confirmar a reserva no grupo adxudicado e formalizar a matrícula desde a aplicación web, conforme o establecido no número 4.3 desta resolución.

4.2.5. En caso de adxudicación de praza en dous idiomas en dúas escolas distintas, a persoa deberá optar por un só idioma nunha soa escola. Só se permitirá a matrícula simultánea en dúas escolas no caso de que un dos dous idiomas, ou ben un nivel concreto, se oferte nunha soa das escolas. Este caso considerárase como traslado parcial de expediente.

4.3. Matrícula do alumnado preinscrito.

4.3.1. O alumnado de nova incorporación que obtivo praza no sorteo da preinscrición deberá matricularse entre o 9 e o 20 de xullo de 2026, e presentar a documentación que se relaciona no número 4.4. A aplicación de matrícula pechará o día 20 de xullo, ás 23.59 horas.

4.3.2. A ligazón para formalizar a matrícula será a mesma da preinscrición (<https://www.eoidigital.com/preinsxunta>), de acordo coas instrucións que figuran no anexo II desta resolución.

4.3.3. O alumnado que non formalice a súa matrícula no prazo establecido para o grupo que lle corresponda perderá o dereito á praza asignada.

4.3.4. Non obstante, unha vez que remate o proceso de matrícula, e ata o día 18 de setembro, o alumnado de novo acceso que non realizase o proceso de preinscrición ou non formalizase no prazo establecido poderá matricularse de acordo co procedemento e coas datas que estableza cada centro, no caso de quedaren prazas vacantes e unha vez esgotadas as listas de espera. As escolas non poderán facer pública ningunha oferta de prazas vacantes mentres existan listas de espera.



4.3.5. A matrícula de español para estranxeiros permanecerá aberta ao longo do curso académico. Esta excepcionalidade non suporá ningún desconto nos prezos públicos e estará suxeita á dispoñibilidade de prazas.

4.4. Documentación para o alumnado de novo acceso.

O alumnado de novo acceso deberá presentar a través da aplicación a seguinte documentación:

a) Copia do DNI ou NIE. No caso de que a persoa se identificase en fase de preinscripción cun documento distinto do DNI ou o NIE e o presentase no centro, non terá que subilo á aplicación.

b) Para o alumnado que sexa menor de 16 anos o 31 de decembro de 2026, un certificado en que se faga constar a primeira lingua estranxeira cursada na ESO no curso escolar 2025/26, expedido polo centro onde estea matriculado, consonte o modelo do anexo IV desta resolución.

c) Xustificante do aboamento dos prezos públicos segundo o Decreto 89/2013, do 13 de xuño (DOG núm. 114, do 17 de xuño). En caso de ter dereito a bonificación ou exención de prezos públicos, subiranse os documentos xustificativos correspondentes.

d) No caso de fraccionar o pagamento da matrícula, indicaranse na aplicación os 20 díxitos da conta bancaria para a domiciliación do pagamento fraccionado, xunto co certificado da conta bancaria, onde consten o IBAN e a titularidade desta nunha das entidades colaboradoras. No caso de que a/o alumna/o non sexa titular da conta indicada, deberá achegar, xunto coa documentación da titularidade, unha autorización de domiciliación asinada pola persoa titular da conta.

e) O alumnado con discapacidade recoñecida oficialmente pode solicitar adaptación das probas cubrindo o anexo V desta resolución e presentando no centro a documentación correspondente. A EOI porá esta circunstancia en coñecemento dos equipos de orientación específicos dependentes do departamento territorial respectivo no prazo máximo dun mes, contado a partir da data de finalización da matrícula, para que se determinen as adaptacións pertinentes. Se ao longo do curso se require unha adaptación por circunstancias sobrevidas, poderá ser solicitada seguindo o mesmo procedemento.

As persoas interesadas responsabilizaranse da veracidade dos documentos que presenten. As escolas poderanlles solicitar a presentación dos documentos orixinais para o cotexo da copia electrónica presentada.



5. Alumnado oficial no curso 2025/26.

O alumnado oficial matriculado no curso 2025/26 que desexe continuar estudos no curso 2026/27 no mesmo idioma e escola deberá matricularse nos prazos indicados no número 5.2, e presentar a documentación que se detalla no número 5.3. A matrícula permitiralle ao alumnado escoller o grupo segundo a oferta educativa aprobada para cada EOI e en función das vacantes existentes.

5.1. Ligazón de matrícula.

A matrícula realizarase en liña desde a ligazón <https://www.informaticacentros.com/xunta>, de acordo coas instrucións que figuran no anexo III desta resolución.

5.2. Prazos de matrícula.

5.2.1. Matrícula ordinaria, para alumnado apto na convocatoria ordinaria de probas.

Do 8 de xuño ata as 23.59 horas do 19 de xuño de 2026, para o alumnado oficial matriculado no curso 2025/26 que desexe continuar os estudos no mesmo idioma e escola no curso 2026/27 e resulte apto na convocatoria ordinaria de probas.

5.2.2. Matrícula extraordinaria.

O alumnado oficial coa cualificación de apta/o, non apta/o ou non presentada/o na convocatoria extraordinaria de probas deberá matricularse entre o 26 de xuño e as 23.59 horas do 6 de xullo de 2026.

5.2.3. Non obstante, unha vez que remate o proceso de matrícula, e ata o día 18 de setembro, o alumnado oficial que non formalizase a matrícula no prazo establecido poderá matricularse de acordo co procedemento e coas datas que estableza cada centro, no caso de quedaren prazas vacantes e unha vez esgotadas as listas de espera. As escolas non poderán facer pública ningunha oferta de prazas vacantes mentres existan listas de espera.

5.3. Documentación para o alumnado oficial no curso 2025/26.

Este alumnado deberá presentar a través da aplicación a seguinte documentación:

a) Xustificante do aboamento dos prezos públicos segundo o Decreto 89/2013, do 13 de xuño (DOG núm. 114, do 17 de xuño). En caso de ter dereito a bonificación ou exención de prezos públicos, subiranse os documentos xustificativos correspondentes.



b) No caso de fraccionar o pagamento da matrícula, indicaranse na aplicación os 20 díxitos da conta bancaria para a domiciliación do pagamento fraccionado, xunto co certificado da conta bancaria, onde consten o IBAN e a titularidade desta nunha das entidades colaboradoras. No caso de que a/o alumna/o non sexa titular da conta indicada, deberá achegar xunto coa documentación da titularidade unha autorización de domiciliación asinada pola persoa titular da conta.

c) O alumnado con discapacidade recoñecida oficialmente pode solicitar adaptación das probas cubrindo o anexo V desta resolución e presentando no centro a documentación correspondente. A EOI porá esta circunstancia en coñecemento dos equipos de orientación específicos dependentes do departamento territorial respectivo no prazo máximo dun mes, contado a partir da data de finalización da matrícula, para que se determinen as adaptacións pertinentes.

d) O alumnado que xa teña concedida no/nos curso/s anterior/es, unha adaptación non terá que volver solicitala, a menos que precise actualizar a documentación presentada con anterioridade.

e) O alumnado que ao longo do curso requira unha adaptación por circunstancias sobrevindas, poderá solicitala segundo o procedemento descrito na alínea c).

As persoas interesadas responsabilizaranse da veracidade dos documentos que presenten. As escolas poderanlles solicitar a presentación dos documentos orixinais para o cotexo da copia electrónica presentada.

6. Pagamento dos prezos públicos.

6.1. O pagamento para a formalización da matrícula axustarase ao establecido no Decreto 89/2013, do 13 de xuño, polo que se fixan os prezos públicos correspondentes aos estudos conducentes á obtención dos títulos oficiais nas ensinanzas de música e artes escénicas, de idiomas, deportivas, de conservación e restauración de bens culturais e nos estudos superiores de deseño (DOG núm. 114, do 17 de xuño).

6.2. O pagamento poderase realizar telematicamente, na oficina virtual tributaria (<https://ovt.atriga.gal/>), ou en calquera das entidades financeiras colaboradoras na recadación de taxas e prezos que veñen relacionadas na Resolución do 23 de decembro de 2025 pola que se actualizan os anexos VI e VII da Orde do 30 de xuño de 1992 (https://www.xunta.gal/dog/Publicados/2025/20251231/AnuncioG0248-231225-0001_gl.pdf).



O modelo de autoliquidación en papel estará á disposición nos centros educativos.

6.3. O pagamento quedará xustificado mediante a presentación dun documento oficial acreditativo.

6.4. O alumnado ao cal se lle anulase a matrícula por falta de pagamento nos últimos catro anos deberá aboar previamente as cantidades pendentes de pagamento para formalizar a nova matrícula.

7. Información ao alumnado.

7.1. As escolas oficiais de idiomas daránlle publicidade a todos aqueles aspectos relativos ao proceso de admisión: grupos e prazas que se ofrezan en cada idioma, alumnado preinscrito, alumnado admitido e os correspondentes períodos de reclamacións.

7.2. O alumnado deberá ser informado de que a posta en marcha do grupo da súa elección dependerá do número mínimo de persoas inscritas que o xustifique.

7.3. Para facilitarlle os procesos de preinscrición ou de matriculación en liña ao alumnado, as escolas habilitarán equipos informáticos con conexión á internet nos espazos de que dispoñan para tal efecto.

7.4. As escolas, a través das súas páxinas web e dos taboleiros de anuncios, darán información sobre o proceso de matrícula e os prezos públicos aplicables en cada caso.

Sección 3ª. Incidencias de matrícula

8. Perda do dereito á praza e matrícula.

8.1. O alumnado que non formalice a súa matrícula no prazo establecido para o grupo que lle corresponda perderá o dereito á praza asignada e só poderá matricularse unha vez rematado o proceso de matrícula e ata o 18 de setembro, no caso de quedaren prazas vacantes.

8.2. Con carácter xeral, o alumnado que non se incorpore ás aulas nos quince días seguintes ao do inicio das actividades lectivas sen unha causa debidamente xustificada e razoada perante a Dirección, perderá a condición de alumnado oficial, sen que lle corresponda a devolución dos prezos públicos aboados. O alumnado deberá ser informado desta circunstancia pola Dirección da escola coa debida antelación.



9. Permanencia.

9.1. O alumnado oficial das modalidades presencial e semipresencial poderá permanecer nos distintos niveis o dobre de anos establecidos para cada un deles pola normativa vixente. Logo de esgotar as convocatorias correspondentes, o alumnado non poderá cursar as ensinanzas na modalidade presencial ou semipresencial, pero poderá realizar as probas de certificación polo réxime libre.

9.2. Con carácter excepcional, poderase autorizar a ampliación dun ano de permanencia nun nivel en supostos de doenza que perturbe significativamente o desenvolvemento dos estudos ou noutros supostos que merezan igual consideración. Correspóndelles aos departamentos territoriais da Consellería de Educación, Ciencia, Universidades e Formación Profesional outorgar a correspondente autorización, logo da solicitude do alumnado presentada con anterioridade ao remate do proceso de matrícula. Esta solicitude irá acompañada de xustificación documental e será presentada perante a Dirección da EOI onde a persoa interesada curse estudos.

9.3. Ao alumnado afectado polo cambio de plan non lle computarán as convocatorias esgotadas do plan que se extingue.

10. Renuncia de matrícula.

10.1. O alumnado poderá formular solicitude de renuncia no centro en que estea matriculado ata o 15 de abril de 2027, con carácter xeral. A mencionada renuncia constará no expediente académico do alumnado e nas actas de avaliación mediante a oportuna dilixencia, e non computará para os efectos de permanencia no curso e nivel correspondente. A renuncia á matrícula implicará a perda da condición de alumna/o e a consecuente perda do dereito a asistir ás actividades lectivas no que reste do curso académico desde a data da renuncia.

10.2. A renuncia de matrícula non supón o dereito á devolución dos prezos públicos en ningún caso.

10.3. O alumnado que renuncie á matrícula e desexe, con posterioridade, continuar os seus estudos nas escolas oficiais de idiomas deberá someterse de novo ao proceso de admisión para o mesmo nivel en que estivese matriculado.



11. Reasignación de nivel e actualización.

11.1. Ao longo dos meses de setembro e outubro, as escolas poderán realizar modificacións na adscrición inicial do alumnado de novo acceso que precise unha nova valoración do seu nivel de dominio do idioma, co obxecto de asignarlle praza nun nivel distinto. A dita reasignación realizarase por proposta xustificada da/do docente do grupo, ratificada polo departamento. Para estes efectos, os departamentos determinarán o nivel que lles corresponde ás persoas interesadas a través dunha proba de clasificación.

11.2. Igualmente, o antigo alumnado que non estivese matriculado polo réxime oficial no curso 2025/26 poderá ser adscrito a calquera dos cursos inferiores ao nivel que xa superou, ou ao mesmo curso xa superado. A matrícula deste alumnado terá a consideración de matrícula de actualización. Neste caso, o alumnado non terá dereito á avaliación final.

11.3. Para facer efectivas tanto a matrícula de actualización como a reasignación de nivel, o alumnado deberá asinar o documento da proposta (anexo VI). Esta circunstancia non terá efectos académicos e farase constar no seu expediente.

11.4. A adxudicación deste alumnado a un grupo estará suxeita á dispoñibilidade de prazas vacantes.

11.5. A reasignación do alumnado a un nivel superior a aquel ao cal que accedeu non dará dereito en ningún caso á certificación dos cursos e niveis inferiores.

12. Traslado de expediente.

12.1. O alumnado que desexe trasladar o expediente co fin de proseguir as ensinanzas oficiais de idiomas noutra escola da Comunidade Autónoma de Galicia deberá solicitar praza no centro de destino. O alumnado que proceda doutra comunidade autónoma deberá, ademais, presentar unha certificación académica expedida polo centro de orixe. A admisión das persoas que soliciten traslado estará condicionada á existencia de prazas vacantes no idioma e curso solicitados.

12.2. Para proceder ao traslado, o centro de orixe remitiralle ao de destino, e por petición deste, unha copia autenticada do expediente académico da/do alumna/o, o antes posible posible.

12.3. O centro receptor abrirá o correspondente expediente académico, e a matrícula adquirirá carácter definitivo unha vez que reciba a copia do expediente académico debidamente autenticada.



12.4. O traslado do expediente entre as escolas oficiais de idiomas de Galicia non comporta ningún custo económico para o alumnado.

12.5. O traslado de matrícula sen ter concluído o curso académico será posible nas mesmas condicións dos puntos anteriores deste artigo. Con carácter xeral, non se admitirán traslados de matrícula unha vez comezado o período de realización das probas de certificación.

12.6. O alumnado que, sen finalizar o curso, se traslade a unha escola oficial de idiomas de Galicia procedente dunha escola oficial de idiomas doutra comunidade autónoma, terá que realizar os trámites que se prevén no número 12.2. e, ademais, aboar as taxas establecidas para o curso en que se matricula.

12.7. O expediente do alumnado que sexa asignado para a realización das probas libres nunha EOI distinta daquela en que está matriculado como alumnado oficial non será trasladado. A persoa interesada deberá requirir no centro en que realizase a proba libre un certificado para presentalo na EOI en que cursa ensinanzas oficiais e solicitar a actualización do seu expediente académico.

12.8. O expediente do antigo alumnado que non estea matriculado no curso 2026/27 trasladarase á EOI onde realice a matrícula libre.

12.9. Ao alumnado afectado polas circunstancias establecidas no número 4.2.5 desta resolución aplicaráselle excepcionalmente un traslado parcial de expediente.

13. Incompatibilidades.

13.1. O alumnado non poderá estar matriculado no mesmo idioma e curso no mesmo ano académico por ensino oficial e libre simultaneamente. Para estes efectos, o alumnado dos cursos CALC, CALG, CUALE e da modalidade *That's English!* ten carácter de alumnado oficial.

13.2. Non se poderán examinar das probas de certificación dunha lingua aquelas persoas que participasen na súa elaboración ou no seu proceso de configuración final.

13.3. O profesorado que imparta docencia nunha EOI non poderá cursar estudos de ningún idioma no mesmo centro onde estea destinado (incluíndo as extensións), agás nos casos expostos nos números 13.4 e 13.6 Non se poderá matricular en ningún caso en ningunha EOI de Galicia para seguir estudos ou realizar as probas de certificación do/dos idioma/s de



que imparte docencia. No caso de profesorado interino ou substituto que estivese matriculado nunha escola previamente ao seu nomeamento nela, deberá solicitar o traslado de expediente a outro centro (soamente se é alumna/o dunha lingua distinta da que imparte), ou ben poderá excepcionalmente renunciar á matrícula.

13.4. O profesorado poderá matricularse no centro onde imparte docencia nun curso CALC ou CALG (número 14.2.1.a) desta resolución) dun idioma que non imparte. Neste caso, deberá formalizar a matrícula nas probas de certificación noutra escola e respectaráselle a súa condición de alumnado oficial.

13.5. O persoal non docente destinado nunha escola oficial de idiomas ou extensión non poderá cursar estudos nin matricularse nas probas de certificación polo réxime libre no centro onde desempeñe o seu labor, aínda que si se poderá matricular noutro centro ou extensión. No caso dos idiomas e/ou niveis que se impartan nunha única escola, o persoal non docente que traballe nela poderá formalizar a matrícula neses.

13.6. Tanto o persoal docente coma non docente destinado nunha escola oficial de idiomas ou extensión poderá realizar os cursos para colectivos profesionais e público en xeral que se organicen na escola ou extensión onde desempeñe o seu labor.

Sección 4ª. Organización académica

14. Tipoloxía da oferta educativa.

A oferta formativa das escolas oficiais de idiomas estruturarase de acordo coa seguinte tipoloxía:

14.1. Cursos ordinarios.

a) Cursos anuais.

A duración de cada curso nos distintos niveis será de 120 horas ao longo do curso académico.

Os grupos correspondentes a estes cursos terán unha carga lectiva de catro horas semanais, distribuídas en dúas sesións lectivas semanais de dúas horas cada unha, preferentemente en días alternos.



b) Cursos intensivos.

As escolas oficiais de idiomas poderán ofertar cursos intensivos que permitan impartir as 120 horas correspondentes a un curso anual nun só cuadrimestre, de forma que o alumnado poida completar dous cursos dun mesmo nivel, se é o caso, nun curso académico.

Os grupos correspondentes a estes cursos terán unha carga lectiva de oito horas semanais distribuídas, con carácter xeral, en catro sesións lectivas semanais de dúas horas de duración.

c) Cursos de nivel integrado.

Tendo en conta as circunstancias especiais que concorren na aprendizaxe da lingua galega, do español como lingua estranxeira e do portugués, nos niveis básico A1 e A2 e intermedio B1 destas ensinanzas, as escolas poderán ofertar unha modalidade de formación presencial, baixo a denominación de «curso de nivel integrado A2 e curso de nivel integrado B1», de acordo coas seguintes características:

Os cursos de nivel integrado son cursos cunha duración de 60 horas en que se imparten os contidos básicos establecidos no currículo correspondente para cada nivel.

Irán dirixidos ao alumnado que teña coñecementos previos na lingua obxecto de aprendizaxe, de xeito que poida acadar os obxectivos establecidos no currículo nun tempo máis reducido.

Polas súas características, os cursos de nivel integrado terán un punto específico dentro da programación didáctica do respectivo departamento didáctico.

Os cursos de nivel integrado A2 impartiranse no primeiro cuadrimestre e os de nivel B1 impartiranse no segundo cuadrimestre.

14.2. Cursos de actualización, perfeccionamento e especialización.**14.2.1. Cursos para a formación do profesorado.**

a) Cursos de actualización lingüística e comunicativa para o profesorado (CALC) e cursos de actualización de lingua galega para o profesorado (CALG).

Poderanse programar nas escolas oficiais de idiomas cursos de actualización lingüística e comunicativa (CALC) e cursos de actualización de lingua galega (CALG) para o profe-



sorado que imparte as ensinanzas reguladas na Lei orgánica 2/2006, do 3 de maio, de educación (LOE), modificada pola Lei orgánica 3/2020, do 29 de decembro.

Estes cursos (CALC e CALG) ofertaranse preferentemente nos niveis B2, C1 e C2 e terán, con carácter xeral, unha duración de 60 horas.

Organizaranse en colaboración cos centros de formación e recursos (CFR) ou co Centro Autonómico de Formación e Innovación (CAFI) e terán o correspondente recoñecemento como formación do profesorado para os efectos establecidos no Decreto 75/2025, do 4 de agosto, polo que se regula a formación permanente do profesorado que imparte as ensinanzas establecidas na Lei 2/2006, do 3 de maio, en centros educativos sostidos con fondos públicos da Comunidade Autónoma de Galicia.

b) Outros cursos de formación en idiomas para o profesorado (FOR).

A Dirección Xeral de Formación Profesional poderá autorizar a realización, nas escolas oficiais de idiomas, en colaboración cos CFR dos cales dependan ou co CAFI, doutros cursos de formación en idiomas para o profesorado sobre distintos ámbitos específicos relacionados coa práctica docente e nos cales se promova o uso das competencias orais. Estes cursos terán unha duración de 60 horas con carácter xeral e só se impartirán en modalidade presencial.

14.2.2. Cursos preparatorios para a obtención dos Celga e cursos de linguaxe administrativa galega (LAG).

Os cursos preparatorios para a obtención dos certificados de lingua galega (Celga) e os cursos de linguaxe administrativa galega (LAG) serán impartidos polo profesorado con destino nos departamentos didácticos de galego das EOI.

Estes cursos, que terán carácter gratuíto, impartiranse de acordo coas directrices que estableza a Secretaría Xeral da Lingua e serán obxecto dunha normativa específica por parte da Dirección Xeral de Formación Profesional.

14.2.3. Cursos para colectivos profesionais e público en xeral.

As escolas oficiais de idiomas poderán ofertar cursos de competencia xeral que inclúan as actividades de comprensión de textos orais e escritos, de produción e coprodución de textos orais e escritos e de mediación para cada nivel, ou por competencias parciais correspondentes a unha ou máis das ditas actividades de lingua.

CVE-DOG: 3ck0zje3-ois2-ink4-amw4-gy7s0ga836b9



Estes cursos, que poderán ir destinados a distintos colectivos profesionais, como resultado do establecemento de convenios ou acordos por parte da Consellería de Educación, Ciencia, Universidades e Formación Profesional, ou ao público en xeral, terán as características de acceso, calendario e certificación que se determinen en cada caso.

Terán unha organización modular cunha duración de 30, 60 ou 120 horas, de acordo coas directrices e condicións de acceso que estableza a Dirección Xeral de Formación Profesional, que os poderá autorizar logo da solicitude motivada da Dirección do centro, que inclúa a programación, duración e calendario de impartición, e do informe favorable do respectivo servizo territorial de Inspección educativa.

A programación destes cursos axustarase aos niveis correspondentes do Marco europeo común de referencia para as linguas e nela constarán de forma expresa os obxectivos, as competencias, os contidos e os criterios de avaliación.

Estes cursos só poderán ser ofertados na modalidade presencial e a súa oferta estará supeditada á dispoñibilidade de recursos humanos existentes na escola.

14.3. Cursos en modalidade semipresencial.

Sen prexuízo do disposto para a impartición das ensinanzas de idiomas de réxime especial na modalidade presencial, as escolas oficiais de idiomas poderán ofertar as súas ensinanzas na modalidade semipresencial.

As 120 horas de duración destes cursos distribuiranse en 60 horas de ensino presencial e 60 horas de ensino en liña.

15. Planificación académica para o curso 2026/27.

15.1. Nos cursos ordinarios, as actividades lectivas estenderanse ao longo de todo o curso académico, segundo o calendario escolar establecido na orde pola que se aproba o calendario escolar para o curso 2026/27 nos centros docentes sostidos con fondos públicos na Comunidade Autónoma de Galicia. Os cursos de nivel integrado e os cursos de actualización, perfeccionamento e especialización cunha duración inferior a 120 horas impartiranse ao longo do primeiro ou do segundo cuatrimestre, de acordo co establecido nesta resolución ou na normativa específica para cada un destes cursos.

15.2. Para os efectos de codificación da oferta formativa nas súas distintas modalidades, as escolas deberán utilizar os códigos que aparecen recollidos no anexo VII desta resolución.



15.3. Ao inicio do curso, o servizo territorial de Inspección educativa comprobará que os grupos e cursos ofertados por cada escola contén cun número de alumnado que xustifique a súa posta en marcha e autorizará as modificacións necesarias da oferta co obxecto de garantirlle o acceso ao maior número posible de alumnado e rendibilizar a oferta docente con que conte cada escola. Para estes efectos, e con carácter xeral, o número mínimo de alumnado por grupo será de dez (10). No caso de grupos cun número inferior, o servizo territorial de Inspección educativa valorará a súa posta en marcha, sempre e cando se conte con profesorado destinado no centro e con dispoñibilidade horaria. En calquera caso, non se poderán autorizar grupos con menos de cinco (5) alumnas/os.

Sección 5ª. Avaliación e certificación

16. Disposicións xerais.

16.1. O alumnado deberá ser avaliado tomando como referencia os obxectivos, as competencias, os contidos e os criterios de avaliación establecidos para cada actividade de lingua para os niveis básico A1, básico A2, intermedio B1, intermedio B2, avanzado C1 e avanzado C2 nos currículos dos idiomas respectivos. A consecución dos obxectivos de cada nivel conducirá á obtención da certificación que corresponda.

16.2. Os departamentos didácticos elaborarán as programacións didácticas para cada un dos cursos do nivel básico, intermedio e avanzado, secuenciando os obxectivos, competencias, contidos e criterios de avaliación.

16.3. As programacións didácticas especificarán os procedementos e os instrumentos de avaliación da aprendizaxe do alumnado nas distintas actividades de lingua.

16.4. O alumnado ten dereito a ser avaliado conforme criterios de plena obxectividade, polo cal as escolas oficiais de idiomas deberán facer públicos os criterios de avaliación e cualificación aplicables a cada actividade de lingua, así como os procedementos formais da avaliación e os criterios de corrección. Igualmente, darán a coñecer os criterios para a promoción do alumnado e para a obtención da certificación que corresponda.

16.5. O alumnado deberá ser informado de que as probas finais poderán ter lugar en días e horas diferentes dos horarios ordinarios das clases do curso en que está matriculado. Igualmente, deberá ser informado de que na convocatoria extraordinaria poderán coincidir as probas de distintos idiomas na mesma data e hora.



17. Proceso de avaliación do alumnado.

17.1. Cursos ordinarios.

17.1.1. Realizaranse tantas avaliacións por curso como se estableza no proxecto educativo da escola e a última coincidirá coa proba de promoción ou de certificación.

17.1.2. Ademais, ao inicio do curso, o profesorado realizará unha avaliación inicial do alumnado, que terá carácter informativo para este e orientador para o profesorado, que establecerá as medidas pedagóxicas adecuadas.

17.1.3. Así mesmo, o profesorado levará a cabo a avaliación de progreso mediante a realización de tarefas, actividades ou probas que lle permitan coñecer o progreso do seu alumnado en cada unha das actividades de lingua. Esta avaliación terá unicamente valor orientador para o alumnado sobre o seu aproveitamento académico e servirlle ao profesorado para coñecer o grao de cumprimento no desenvolvemento da programación didáctica.

17.1.4. O grao de dominio acadado nas diferentes actividades de lingua será avaliado mediante os seguintes tipos de proba segundo corresponda:

a) Proba de promoción: nos cursos non terminais de nivel, o alumnado realizará unha proba elaborada polo correspondente departamento, con carácter unificado para cada curso e nivel, que avaliará o grao de consecución dos obxectivos do curso.

b) Proba de certificación: nos cursos terminais de nivel, o alumnado realizará unha proba que será común a todas as modalidades e réximes de ensino e na cal se avaliará o grao de consecución dos obxectivos do nivel.

17.2. Cursos de actualización, perfeccionamento e especialización.

17.2.1. Tendo en conta as características diferenciadas de cada un destes cursos, a avaliación do alumnado nos cursos de actualización, perfeccionamento e especialización determinarase de acordo co recollido na súa programación didáctica.

17.2.2. O profesorado que complete un curso CALC ou CALG (número 14.2.1.a) e cumpra cos requisitos de asistencia poderá matricularse, con carácter gratuíto, nas probas de certificación do idioma e nivel cursado, na escola ou extensión onde os realizou, e terá carácter de alumnado de curso oficial para os efectos do número de convocatorias. No suposto de que se trate de profesorado que realizou o curso no mesmo centro en que imparte



docencia noutro idioma, deberá formalizar a matrícula noutra escola e respectaráselle a súa condición de alumnado oficial.

17.3. Programa *That's English!*.

17.3.1. O alumnado do programa *That's English!* que estea cursando o módulo correspondente a un curso final de nivel e superase os módulos anteriores dese mesmo curso deberá superar a proba de certificación do nivel correspondente para acadar o certificado de nivel básico A2, intermedio B1, intermedio B2 ou avanzado C1, segundo corresponda.

O alumnado dos cursos ExamPrep do programa *That's English!* deberá superar a proba de certificación do nivel intermedio B2 ou avanzado C1 para acadar a certificación dos citados niveis.

17.3.2. Este alumnado non terá que aboar prezos públicos polo acceso ás probas de certificación, pero deberá realizar a inscrición nestas.

17.3.3. O alumnado do programa *That's English!* realizará as probas de certificación na escola de idiomas ou extensión a que estea adscrito o centro de apoio titorial en que cursa os estudos.

18. Probas de promoción.

18.1. Características xerais, estrutura e organización.

18.1.1. Para os cursos non terminais de nivel realizarase unha proba de promoción. Esta proba terá lugar logo do remate das actividades lectivas, en convocatoria ordinaria, e, con carácter xeral, na segunda quincena do mes de xuño, en convocatoria extraordinaria, segundo o calendario establecido por cada escola. Na convocatoria extraordinaria, o alumnado só terá que ser avaliado das actividades de lingua non superadas na convocatoria ordinaria.

18.1.2. Esta proba será elaborada, administrada e corrixida polo profesorado dos departamentos didácticos, de acordo coas especificacións establecidas por estes, e terá carácter unificado para cada curso e nivel.

18.1.3. Os departamentos didácticos establecerán criterios para a valoración positiva do rendemento e a participación do alumnado na aula; a dita valoración en ningún caso poderá superar o 10 % da cualificación final do curso.



18.1.4. A proba de promoción nos cursos intensivos e nos cursos de nivel integrado realizarase ao finalizar o correspondente cuadrimestre.

19. Probas de certificación.

O alumnado oficial matriculado nun curso final de nivel terá que superar a proba de certificación correspondente para obter o certificado que lle permita acceder, se é o caso, ao nivel inmediatamente superior. As probas de certificación teñen como obxectivo avaliar o nivel de competencia lingüística e o grao de dominio do idioma, que se fixarán en referencia aos obxectivos, contidos e criterios de avaliación establecidos nos currículos de cada nivel.

As probas de certificación serán comúns para todas as modalidades e réximes de ensino.

19.1. Elaboración e administración.

19.1.1. As probas de certificación para cada un dos niveis serán elaboradas, administradas e cualificadas de acordo co procedemento que estableza a Dirección Xeral de Formación Profesional.

19.1.2. As probas de certificación administraranse nas sedes das escolas oficiais de idiomas e, se é o caso, nas súas extensións. Para a correcta administración das probas deberase ter en conta o disposto nas guías de administración de cada un dos niveis, así como nas guías informativas e de especificacións das probas de certificación, que estableza a Dirección Xeral de Formación Profesional.

19.1.3. Con carácter excepcional, logo de informe do servizo territorial de Inspección educativa e logo da autorización da dirección territorial correspondente, poderase variar o horario lectivo da escola ou extensión naquelas franxas horarias en que a necesidade de espazos e profesorado o fagan necesario para o correcto desenvolvemento das probas.

19.2. Formación do profesorado na elaboración de probas.

A Dirección Xeral de Formación Profesional ofrecerá formación específica para o profesorado dos departamentos didácticos responsables da redacción das probas de certificación.



19.3. Convocatoria das probas.

19.3.1. Convocatoria das probas de certificación para o alumnado oficial.

O alumnado dos cursos ordinarios terá dereito a unha convocatoria de probas ordinaria e a unha convocatoria extraordinaria, que se desenvolverán segundo o calendario publicado para tal efecto. Nos cursos intensivos e de nivel integrado que se realicen no primeiro cuatrimestre, a convocatoria ordinaria será ao rematar este e a extraordinaria será, con carácter xeral, na segunda quincena do mes de xuño.

19.3.2. Convocatoria das probas de certificación para o alumnado libre.

A Dirección Xeral de Formación Profesional organizará unha convocatoria das probas polo réxime libre para a obtención dos certificados de nivel básico A2, intermedio B1, intermedio B2 e avanzado C1 nas datas que esta determine, coincidindo coa convocatoria ordinaria do alumnado oficial. Así mesmo, poderá establecer criterios de asignación de prazas para aqueles idiomas e niveis en que a demanda o xustifique.

O alumnado libre poderá matricularse en calquera destes niveis das probas de certificación. Non é requisito indispensable dispor do certificado do nivel anterior.

O alumnado oficial matriculado nun curso non final de nivel poderá matricularse nunha proba de certificación de calquera nivel.

A superación da proba de certificación dun nivel dará acceso ao primeiro curso do seguinte nivel, sen que a persoa adquira o dereito á certificación dos niveis anteriores ao superado.

20. Criterios de cualificación das probas.

20.1. Para os cursos do nivel básico, a proba de certificación terá un valor de 100 puntos, e cada unha das súas catro partes, 25 puntos. Para obter a cualificación de apto, o alumnado terá que acadar, polo menos, 15 puntos en cada unha das actividades de lingua. Con carácter xeral, estes criterios serán de aplicación para as probas de promoción.

20.2. Para os cursos dos niveis intermedio B1 e B2 e avanzado C1 e C2, a puntuación total da proba de promoción será de 125 puntos. Cada unha das cinco partes en que se estrutura a proba terá un valor de 25 puntos. Para superar a proba será necesario acadar, polo menos, 12,5 puntos en cada actividade de lingua e, ademais, obter unha puntuación



mínima dun 65 % na puntuación total da proba. Con carácter xeral, estes criterios serán de aplicación para as probas de promoción.

20.3. A cualificación outorgada ao alumnado será de «apta/o» ou «non apta/o». A cualificación «apta/o» requirirá a superación da proba nos termos previstos nos puntos anteriores (os resultados serán comunicados consonte o establecido no artigo 22 desta resolución). No caso do alumnado que non realice algunha das partes da proba, a cualificación para cada unha destas partes será «non presentada/o» e a cualificación final da proba será «non apta/o». No caso do alumnado que non realice ningunha das partes que conforman a proba, a cualificación final será «non presentada/o».

20.4. O alumnado que non promocióne deberá repetir curso e ser avaliado de novo de todas as actividades de lingua.

21. Avaliación de persoas con necesidades educativas especiais.

No caso do alumnado con discapacidade, o deseño, a administración e a avaliación das probas para a obtención dos certificados deberán basearse nos principios de igualdade de oportunidades, non discriminación e compensación de desvantaxes. Os procedementos de avaliación conterán as medidas que resulten necesarias para a súa adaptación ás necesidades especiais deste alumnado.

22. Información e comunicación dos resultados da avaliación.

Ao remate das probas de promoción e certificación, informarase o alumnado, ou os seus representantes legais no caso de menores de idade, acerca dos resultados da avaliación final. A dita información incluírá, cando menos, as cualificacións obtidas nas distintas actividades de lingua e, se é o caso, a promoción ao curso seguinte.

23. Procedemento para formular reclamacións sobre os resultados da avaliación.

23.1. O alumnado de todos os réximes e modalidades que estea en desacordo coa súa cualificación nas probas de promoción e de certificación poderá presentar unha reclamación, ante a Dirección da escola oficial de idiomas, no prazo de tres días hábiles contados a partir do día seguinte ao da publicación da dita cualificación.

23.2. A reclamación terá que estar baseada nalgún dos seguintes aspectos:

a) Inadecuación dos obxectivos, contidos e criterios de avaliación da proba aos establecidos no currículo oficial e na programación didáctica do departamento correspondente.



b) Incorrecta aplicación dos procedementos e instrumentos de avaliación e/ou dos criterios de cualificación establecidos para estas probas.

23.3. A Dirección da escola resolverá nos dous días hábiles seguintes ao da presentación da reclamación ratificando ou rectificando a cualificación. Para iso, solicitará do departamento o correspondente informe, no cal deben constar as causas da ratificación ou rectificación da nota, e informará por escrito o alumnado implicado da resolución adoptada.

23.4. De continuar en desacordo coa cualificación, o alumnado ou o seu representante legal, no caso de menores de 18 anos, poderá interpor un recurso de alzada, ante o respectivo departamento territorial da consellería competente en materia de educación, contra a resolución da Dirección da escola no prazo dun mes a partir do día seguinte ao da súa recepción.

23.5. De se presentar o recurso de alzada, o servizo territorial de Inspección educativa solicitaralle á escola os seguintes documentos: a reclamación da alumna ou alumno, a resolución da Dirección do centro, o informe do departamento didáctico, o informe do profesorado responsable da avaliación, a/s proba/s contra a/s cales se recorre, e calquera outra documentación adicional que se considere pertinente.

23.6. No suposto de que o recurso de alzada se presente ante a Dirección da escola oficial de idiomas, esta tramitará a reclamación xunto cos documentos sinalados no punto anterior nun prazo non superior a 48 horas.

23.7. O servizo territorial de Inspección educativa poderá solicitar a intervención de especialistas no idioma obxecto de reclamación para elaborar o informe correspondente.

23.8. O servizo territorial de Inspección educativa remitiralle o informe, xunto coa copia completa e ordenada do expediente, ao departamento territorial correspondente no prazo de dez (10) días hábiles.

23.9. Logo da análise do informe do servizo territorial de Inspección educativa, o departamento territorial correspondente resolverá no prazo máximo de tres meses a partir da data de presentación do recurso e esta resolución porá fin á vía administrativa.

24. Certificados.

24.1. Para obter os certificados dos niveis básico A1, básico A2, intermedio B1, intermedio B2, avanzado C1 e avanzado C2 será necesaria a superación das probas de certificación correspondentes.



24.2. A Dirección Xeral de Centros e Recursos Humanos expedirá, por proposta das escolas oficiais de idiomas, os certificados correspondentes aos niveis intermedio B2, avanzado C1 e avanzado C2 do alumnado que supere as probas de certificación correspondentes.

24.3. Os certificados correspondentes aos niveis básico A1, básico A2 e intermedio B1, así como os certificados de competencias parciais, serán emitidos polas EOI. Estas expedirán, ademais, as certificacións académicas dos idiomas que impartan para o alumnado de todos os cursos non finais de nivel.

25. Certificación de aproveitamento doutros cursos.

A superación dos cursos para colectivos profesionais e público en xeral, que deberá constar no expediente académico da/do alumna/o, non dará lugar á obtención de certificados de nivel; non obstante, as escolas oficiais de idiomas poderán certificarlle ao alumnado que así o solicite, e cumpra co mínimo do 80 % da asistencia, as horas cursadas e o aproveitamento nestes cursos.

Santiago de Compostela, 21 de maio de 2026

María Eugenia Pérez Fernández
Directora xeral de Formación Profesional

ANEXO I Accesos directos por titulación Español como lingua estranxeira

Titulación, diploma ou certificado	Accede a
– Certificado de nivel básico A2 de español para estranxeiros das escolas oficiais de idiomas. – UNED. CUID (Centro Universitario de Idiomas a Distancia) español nivel A2 (básico). – Certificados das universidades españolas que sigan o modelo de acreditación de exames da Asociación de Centros de Linguas de Educación Superior (ACLES) CertAcles A2. – Certificados de español para estranxeiros de nivel A2 dos centros de linguas das universidades galegas. – Diploma de español como lingua estranxeira (DELE) A2.	Intermedio B1
– Certificado de nivel intermedio B1 de español para estranxeiros das escolas oficiais de idiomas. – Diploma de español como lingua estranxeira (DELE). Nivel inicial. – Diploma de español como lingua estranxeira (DELE) B1. – UNED. CUID (Centro Universitario de Idiomas a Distancia) español nivel B1 (intermedio). – Certificados das universidades españolas que sigan o modelo de acreditación de exames da Asociación de Centros de Linguas de Educación Superior (ACLES) CertAcles B1. – Certificados de español para estranxeiros de nivel B1 dos centros de linguas das universidades galegas.	Intermedio B2



Titulación, diploma ou certificado	Accede a
– Certificado de nivel intermedio B2 de español para estranxeiros das escolas oficiais de idiomas. – Diploma de español como lingua estranxeira (DELE). Nivel intermedio. – Diploma de español como lingua estranxeira (DELE) B2. – UNED. CUID (Centro Universitario de Idiomas a Distancia) español nivel B2 (avanzado). – Certificados das universidades españolas que sigan o modelo de acreditación de exames da Asociación de Centros de Linguas de Educación Superior (ACLES) CertAcles B2. – Certificados de español para estranxeiros de nivel B2, C1 ou C2 dos centros de linguas das universidades galegas.	Avanzado C1
– Certificado de nivel avanzado C1 ou C2 de español para estranxeiros das escolas oficiais de idiomas. – Diploma de español como lingua estranxeira (DELE). Nivel superior. – Diploma de español como lingua estranxeira (DELE) C1. – Diploma de español como lingua estranxeira (DELE) C2. – Certificados das universidades españolas que sigan o modelo de acreditación de exames da Asociación de Centros de Linguas de Educación Superior (ACLES) CertAcles C1 e C2.	Avanzado C2

Galego

Titulación, diploma ou certificado	Accede a
– Certificado de nivel básico A2 de galego das escolas oficiais de idiomas. – UNED. CUID (Centro Universitario de Idiomas a Distancia) galego nivel A2 (básico). – Celga 1.	Intermedio B1
– Certificado de nivel intermedio B1 de galego das escolas oficiais de idiomas. – UNED. CUID (Centro Universitario de Idiomas a Distancia) galego nivel B1 (intermedio). – Celga 2.	Intermedio B2
– Certificado de nivel intermedio B2 de galego das escolas oficiais de idiomas. – Diplomatura en Maxisterio con materias de lingua galega. – Licenciatura en Calquera filoloxía con materias de lingua galega. – Licenciatura en Xornalismo con materias de lingua galega. – Curso de especialización de lingua galega. – Curso de perfeccionamento de lingua galega. – Celga 3.	Avanzado C1
– Certificado de nivel avanzado C1 ou C2 de galego das escolas oficiais de idiomas. – UNED. CUID (Centro Universitario de Idiomas a Distancia) galego nivel C1 (superior). – Licenciatura en Filoloxía Galega ou Galego-Portuguesa. – Licenciatura en Filoloxía Portuguesa. – Licenciatura en Tradución e Interpretación (galego lingua A). – Celga 4.	Avanzado C2

ANEXO II

Procedemento de matriculación para o alumnado de novo acceso

1. Acceso ao sistema e alta do alumnado.

O acceso á preinscrición en liña realizarase desde o enderezo:

<https://www.eoidigital.com/preinsxunta>



A persoa que desexa solicitar unha praza nas escolas oficiais de idiomas deberá darse de alta no sistema. Para iso, deberá indicar a súa data de nacemento e o seu número de DNI ou NIE.

No caso de identificarse cun documento distinto do DNI ou do NIE, deberá formular a solicitude presencialmente na Secretaría do centro.

Despois accederase a unha pantalla para introducir os datos persoais, que se deberán consignar con exactitude (nome completo, domicilio, etc.).

Igualmente, terase que introducir un contrasinal que permitirá con posterioridade acceder ao proceso de preinscrición e matrícula en liña.

Os datos introducidos poderán ser modificados con posterioridade, sempre e cando a persoa usuaria posúa os datos de acceso.

2. Solicitude de praza (preinscrición), adxudicación e reserva.

– Solicitude de praza (preinscrición: 15 de xuño-6 de xullo de 2026).

Unha vez cubertos todos os campos de datos persoais, e a continuación das pantallas de confirmación, accédese á solicitude de prazas.

Na pantalla aparecen, en primeiro lugar, dous cadros despregables de datos nos cales hai que indicar o idioma que se solicita e o curso.

A oferta é conxunta entre todas as escolas oficiais de idiomas de Galicia, polo que no despregable aparecerá a oferta de todas as EOI.

A solicitude é única por idioma, é dicir, unha mesma persoa solicitante non poderá realizar máis dunha preinscrición para un mesmo idioma.

O sistema poderá emitir xustificantes como garantía da solicitude da praza.

A solicitude realizada poderá ser consultada, modificada e mesmo eliminada en calquera momento mentres estea aberto o período de solicitude.

Para volver acceder abondará con consignar a data de nacemento, o DNI/NIE e o contrasinal indicado no momento da alta.

CVE-DOG: 3ck0zje3-ois2-ink4-amw4-gy7s0ga836b9



– Adxudicación das prazas (sorteo: 8 de xullo de 2026).

A adxudicación de prazas realizarase da seguinte maneira: no momento da preinscrición, a aplicación asignaralle un número a cada solicitude.

Seguindo o procedemento establecido nesta resolución, o día 8 de xullo obterase mediante sorteo público un número de corte por idioma de entre todos os números que a aplicación lles asignou ás solicitudes. Adxudicáraselles praza á primeira solicitude co número obtido no sorteo (respectando a orde de preferencia indicada), e a partir dela adxudicaránse todas as demais.

Unha vez comprobadas as peticións de todas as persoas solicitantes, xerarase unha lista de reservas, que comezará pola primeira persoa solicitante que non obtivese praza.

– Confirmación da praza solicitada.

Logo da adxudicación de vacantes, a/o solicitante poderá comprobar se obtivo praza e confirmar que a acepta premendo sobre unha ligazón directa á zona de matriculación.

Ao confirmar a matrícula, o sistema xerará un xustificante onde se indicarán o idioma, curso e grupo seleccionado, así como o día e a hora en que se grava a súa solicitude. O alumnado recibirá información dos prezos públicos correspondentes para que poida efectuar o pagamento polos procedementos establecidos nesta resolución.

Ata ese momento a praza estará reservada e pendente de formalización.

3. Formalización da matrícula (9-20 de xullo de 2026).

O alumnado de novo acceso ao cal se lle adxudicou praza terá que formalizar a matrícula na mesma ligazón da preinscrición (<https://www.eoidigital.com/preinsxunta>).

Unha vez efectuado o pagamento dos prezos públicos correspondentes polos procedementos establecidos nesta resolución, a/o solicitante deberá presentar o xustificante, ademais do resto da documentación requirida.

O pagamento da matrícula deberá efectuarse nos prazos establecidos. No caso de non efectuarse o pagamento, ou de non achegar a documentación acreditativa deste, anularase a reserva de praza.



Na circunstancia de que se requira a presentación de documentación adicional, o centro informará debidamente a persoa solicitante.

Tras finalizar o prazo de matrícula, as prazas non confirmadas pola Secretaría do centro quedarán liberadas para o seguinte prazo de matriculación ou listaxe de espera, e a/o solicitante perderá calquera dereito sobre a reserva da súa praza.

As persoas interesadas responsabilizaranse da veracidade dos documentos que presenten. As escolas poderanlle solicitar ao alumnado a documentación orixinal para o co-texto da copia electrónica presentada.

ANEXO III

Procedemento de matriculación para o alumnado oficial matriculado no curso 2025/26 que continúe estudos

Matrícula ordinaria (8-19 de xuño) e extraordinaria (26 de xuño-6 de xullo)

a) Acceso ao sistema e identificación do alumnado.

O acceso á matriculación en liña realizarase desde a plataforma CentrosNET no enderezo que cada centro ten asignado. Habilitarase tamén unha entrada xenérica para que se poida acceder a calquera centro desde unha mesma ligazón:

<https://www.informaticacentros.com/xunta>

O alumnado oficial do curso 2025/26 que continúe os seus estudos accederá á aplicación de matrícula utilizando o usuario e contrasinal que xa posúe (en caso de dúbida, consulte coa escola).

b) Elección do grupo e reserva de praza.

Ao entrar na aplicación, o alumnado accederá a unha pantalla con información acerca do curso en que lle corresponde matricularse, e poderá elixir un grupo dos que se lle oferten.

Unha vez que o alumnado confirme a selección do grupo en que se matricula, esta non poderá ser modificada nin anulada.

Ao confirmar a reserva, o sistema xerará un xustificante onde se indicarán o idioma, curso e grupo seleccionado, así como o día e a hora en que se grava a súa solicitude. O alumnado recibirá información dos prezos públicos correspondentes para que poida efectuar o pagamento polos procedementos establecidos nesta resolución.

Ata ese momento a praza estará reservada e pendente de formalización.



c) Formalización da matrícula.

O alumnado oficial matriculado no curso 2025/26 terá que formalizar a matrícula aboando os prezos públicos e presentando a documentación precisa dentro dos prazos establecidos, como se indica nesta resolución.

A documentación cargarase na aplicación desde a ligazón:

<https://www.informaticacentros.com/xunta>

No caso de non efectuarse o pagamento en prazo, ou de non achegar a documentación acreditativa deste, anularase a reserva de praza.

Na circunstancia de que se requira a presentación de documentación adicional, o centro informará debidamente a persoa solicitante.

Tras finalizar cada prazo de matrícula, as prazas non confirmadas pola Secretaría do centro quedarán liberadas para o seguinte prazo de matriculación ou listaxe de espera, e a/o solicitante perderá calquera dereito sobre a reserva da súa praza.

As persoas interesadas responsabilizaranse da veracidade dos documentos que presenten. As escolas poderanlle solicitar ao alumnado a documentación orixinal para o contexto da copia electrónica presentada.

ANEXO IV**Certificado da primeira lingua estranxeira cursada na ESO**

Eu, ..., secretaria/o do centro ..., con código de centro nº ..., na localidade ... (provincia ...),

CERTIFICO:

Que a/o alumna/o..., con DNI ..., cursou en 2025/26 neste centro o ... curso das ensinanzas da ESO, e que o idioma cursado como primeira lingua estranxeira é ...

Asino este certificado por pedimento da persoa interesada e para os efectos de matrícula polo réxime oficial na escola oficial de idiomas.

..., ... de ... de 2026

Visto e prace do/da director/a

A/o secretaria/o

(Selo do centro)

CVE-DOG: 3ck0zje3-ois2-ink4-amw4-gy7s0ga836b9



ANEXO V Solicitud de adaptación de probas

En cumprimento do establecido no artigo 3.9. do Real decreto 1/2019, do 11 de xaneiro¹, en que se recolle o seguinte: *No caso do alumnado con discapacidade, o deseño, a administración e a avaliación das probas para a obtención dos certificados terán que basearse nos principios de igualdade de oportunidades, non discriminación e compensación de desvantaxes. Os procedementos de avaliación conterán as medidas que resulten necesarias para a súa adaptación ás necesidades especiais deste alumnado.*

A/o alumna/o , con.....
DNI/NIE , domicilio en código postal na rúa , nº andar/porta , con teléfono e correo electrónico ,
matriculada/o no ano académico 2026/27 como alumna/o oficial no curso seguinte:

Curso	Nivel	Idioma		
☐ 1º	☐ Básico A1 e A2	☐ Alemán	☐ Francés	☐ Portugués
☐ 2º	☐ Intermedio B1	☐ Árabe	☐ Galego	☐ Ruso
	☐ Intermedio B2	☐ Chinés	☐ Inglés	☐ Xaponés
☐ 3º	☐ Avanzado C1	☐ Español lingua estranxeira		☐ Italiano
	☐ Avanzado C2			

CERTIFICO:

Que presento unha discapacidade que me impide desenvolver con normalidade as probas conducentes á avaliación e cualificación e, para xustificalo, achego a documentación acreditativa pertinente.

SOLICITO:

Que se autoricen as adaptacións necesarias para garantir unha proba de acordo cos principios de igualdade de oportunidades, non discriminación e compensación de desvantaxes.

..... de de

¹ Real decreto 1/2019, do 11 de xaneiro, polo que se establecen os principios básicos comúns de avaliación aplicables ás probas de certificación oficial dos niveis intermedio B1, intermedio B2, avanzado C1, e avanzado C2 das ensinanzas de idiomas de réxime especial (BOE núm. 11, do 12 de xaneiro).



ANEXO VI

Reasignación de nivel

EOI de

Curso

O/a profesor/a.....

do idioma..... considera que a adscrición da/do alumna/o

..... ao curso do

nivel non se axusta debidamente ao grao de dominio lingüístico

que corresponde ao dito curso e nivel, polo que

PROPÓN:

Unha nova adscrición ao..... curso do nivel

..... de de 2026

O/a profesor/a

Conforme: a/o alumna/o

Visto e prace

Xefatura do Departamento de

CVE-DOG: 3ck0zje3-ois2-ink4-amw4-gy7s0ga836b9



ANEXO VII

Táboa de codificacións

Instrucións para a codificación da oferta formativa das escolas oficiais de idiomas	
1. Codificación dos cursos ordinarios.	
2. Codificación dos cursos de actualización, perfeccionamento e especialización.	
3. Codificación dos cursos de <i>That's English!</i> .	
4. Codificación do alumnado das probas de certificación.	
1. Codificación dos cursos ordinarios.	
Estes grupos correspóndense coa oferta que deriva do Real decreto 1041/2017, do 22 de decembro, polo que se fixan as exigencias mínimas do nivel básico para os efectos de certificación, se establece o currículo básico dos niveis Intermedio B1, intermedio B2, avanzado C1 e avanzado C2 das ensinanzas de idiomas de réxime especial reguladas pola Lei orgánica 2/2006, do 3 de maio, de educación, e se establecen as equivalencias entre as ensinanzas de idiomas de réxime especial reguladas en diversos plans de estudos e as deste real decreto.	
Estrutura dos códigos: idioma-curso e nivel-tipo-modalidade-número (cada un dos campos irá separado por un guión)	
1.1. Códigos dos idiomas	
Alemán	AL
Árabe	AR
Chinés	CH
Español como lingua estranxeira	ELE
Francés	FR
Galego	GA
Inglés	IN
Italiano	IT
Portugués	PO
Ruso	RU
Xaponés	XA
1.2. Códigos dos cursos e niveis	
Nivel básico A1	A1
Nivel básico A2	A2
Nivel básico A1 e A2	A1-A2
1º curso do nivel básico A2	A2.1
2º curso do nivel básico A2	A2.2
Nivel intermedio B1	B1
1º curso de nivel intermedio B1	B1.1
2º curso de nivel intermedio B1	B1.2
3º curso de nivel intermedio B1	B1.3
Nivel intermedio B2	B2
1º curso do nivel intermedio B2	B2.1
2º curso do nivel intermedio B2	B2.2
Nivel avanzado C1	C1
1º curso do nivel avanzado C1	C1.1
2º curso do nivel avanzado C1	C1.2
Nivel avanzado C2	C2



1.3. Códigos dos tipos de cursos

a) Cursos anuais: cada curso encádrase nun nivel e a súa duración coincide coa do curso académico, con 120 horas.	Cando se trata dun grupo anual ordinario, deixarase en branco.
b) Cursos intensivos: cando se imparte nun cuadrimestre o horario lectivo correspondente a un curso académico. Teñen unha duración de 120 horas por cuadrimestre.	
1º cuadrimestre	INT-A
2º cuadrimestre	INT-B
c) Cursos de nivel integrado: son cursos cunha duración de 60 horas nun cuadrimestre en que se imparten os contidos básicos establecidos no currículo correspondente para cada nivel. Só se poden ofertar nesta modalidade os niveis A2 e B1 das linguas consideradas ambientais: galego, portugués e español como lingua estranxeira. Os cursos do nivel A2 impartiranse no primeiro cuadrimestre e os do nivel B1, no segundo.	
Nivel básico A2 (1º cuadrimestre)	A2-ITG-A
Nivel intermedio B1 (2º cuadrimestre)	B1-ITG-B

1.4. Modalidade

Os cursos ordinarios poderán impartirse nas modalidades presencial ou semipresencial, de existir o curso correspondente.

4.1. Modalidade presencial: os grupos correspondentes a estes cursos terán unha carga lectiva de 4 horas semanais, distribuídas en dúas sesións lectivas presenciais semanais de 2 horas cada unha, preferentemente en días alternos.	Deixarase en branco
4.2. Modalidade semipresencial: as 120 horas de duración destes cursos distribuiranse en 60 horas de ensino presencial e 60 horas de ensino en liña.	SEMI

1.5. Número.

Corresponde aos distintos grupos de cada curso (se hai un só grupo, o nº 1; se hai máis, o número que corresponda).

Exemplos:

1º curso do nivel intermedio B2 de inglés intensivo do 1º cuadrimestre	IN-B2.1-INT-A-1
Curso anual de chinés do nivel básico A1	CH-A1-1
Curso de nivel integrado de galego do nivel intermedio B1	GA-B1-ITG-B-1
1º curso de nivel avanzado C1 de francés na modalidade semipresencial	FR-C1.1-SEMI-1

2. Codificación dos cursos de actualización, perfeccionamento e especialización

A oferta de cursos non ordinarios confórmana os cursos de actualización, perfeccionamento e especialización de competencias en idiomas dirixidos ao profesorado e a outros colectivos profesionais e, en xeral, a persoas adultas con necesidades específicas de aprendizaxe de idiomas.

Estrutura dos códigos: **idioma-tipo-modalidade-nivel-duración-número**

2.1. Códigos dos idiomas.

Iguais que os dos cursos ordinarios

2.2. Códigos dos tipos de cursos

a) Cursos para a formación do profesorado: Cursos de formación dirixidos ao profesorado de centros sostidos con fondos públicos.		Duración (horas)
a.1) Cursos de actualización lingüística e comunicativa (CALC)	CAL	60
Cursos de actualización de galego (CALG)	CLG	60
a.2) Oferta non específica: a oferta de formación aberta a todo o profesorado	FOR	60
b) Cursos preparatorios para a obtención dos Celga e cursos de linguaxe administrativa galega		
a) Cursos preparatorios para certificados Celga		
Celga 1	CE1	60
Celga 2	CE2	60
Celga 3	CE3	60
Celga 4	CE4	60



b) Cursos de linguaxe administrativa galega		
Linguaxe administrativa galega nivel medio	LAM	75
Linguaxe administrativa galega nivel superior	LAS	75
c) Cursos para colectivos profesionais e público en xeral: Cursos de competencia xeral ou competencias parciais, destinados a colectivos profesionais ou ao público en xeral.		
Cursos para colectivos profesionais	PRO	30/60/120
Cursos para o público en xeral	PUB	30/60/120
Cursos de competencia xeral	XER	
Cursos de competencias parciais:		
Comprensión de textos orais	CO	
Comprensión de textos escritos	CE	
Produción e coprodución de textos orais	PCO	
Produción e coprodución de textos escritos	PCE	
Mediación	MED	
2.3. Códigos da modalidade		
Presencial	Deixarase en branco	
Semipresencial (só para CALC)	SEMI	
2.4. Códigos dos niveis Iguais que os dos cursos ordinarios.		
2.5. Duración Este código consta de dúas partes, o número de horas do curso e a súa temporalización.		
Número de horas do curso	O nº de horas que corresponda	
Temporalización:		
1º cuatrimestre	A	
2º cuatrimestre	B	
Curso completo	C	
2.6. Número Corresponde aos distintos grupos de cada curso (se hai un só grupo, o número 1; se hai máis, o número que corresponda).		
Exemplos:		
Curso de actualización lingüística e comunicativa (CALC), nivel B2, 60 h	IN-CAL-B2-60B-1	
Curso de actualización de galego, nivel C1, 60 h	GA-CLG-C1-60B-1	
Curso de formación do profesorado de nivel C1 de portugués de 60 h	PO-FOR-C1-60C-1	
Curso preparatorio para o Celga 2, 2º cuatrimestre	GA-CE2-60B-1	
Curso de linguaxe administrativa galega superior, 1º cuatrimestre	GA-LAS-75A-1	
Curso de competencia xeral de nivel B1 de francés para un colectivo profesional, 60 horas, primeiro cuatrimestre	FR-PRO-XER-B2-60A-1	
Curso de produción e coprodución de textos escritos de nivel A2 de italiano para o público en xeral, 30 horas, segundo cuatrimestre	IT-PUB-PCO-A2-30B-1	
Curso de comprensión de textos orais e mediación de nivel A1 de alemán para o público en xeral, 60 horas, anual	AL-PUB-CO/MED-A1-60C-1	
3. Codificación dos cursos de <i>That's English!</i>		
3.1. Cursos a distancia: cursos correspondentes ao programa <i>That's English!</i> A codificación destes cursos inclúe: • O código de idioma: IN. • A denominación THE (cursos a distancia de <i>That's English!</i>). • O código correspondente ao módulo (descrito a continuación). • O número do grupo (véxase o número 1.5 dos cursos ordinarios).	THE	



Módulos (cada un de 60 horas):	
Básico A2.1	MDA2.1
Básico A2.2	MDA2.2
Básico A2.3	MDA2.3
Básico A2.4	MDA2.4
Intermedio B1.1	MDB1.1
Intermedio B1.2	MDB1.2
Intermedio B2.1	MDB2.1
Intermedio B2.2	MDB2.2
Intermedio B2.3	MDB2.3
Intermedio B2.4	MDB2.4
Avanzado C1.1	MDC1.1
Avanzado C1.2	MDC1.2
3.2. Cursos ExamPrep: cursos correspondentes ao programa <i>That's English!</i> para a preparación das probas de certificación dos niveis B2 e C1, cunha dedicación tutorial de 60 horas por curso. A súa codificación inclúe o código do idioma (IN), a denominación EP (ExamPrep), o nivel do curso (B2 ou C1), o cuadrimestre en que se imparte (A ou B) e o número do grupo.	
Exemplos:	
Curso <i>That's English!</i> de nivel básico A2 (módulo A2.4)	IN-THE-MDA2.4-1
Curso ExamPrep de nivel B2 no segundo cuadrimestre	IN-EP-B2-B-1
4. Codificación do alumnado das probas de certificación	
Correspóndese coa matrícula nas probas de certificación para o alumnado libre, o alumnado de probas homologadas (CUALE) e o alumnado dos cursos CALC e CALG. O alumnado libre matricúlase na escola oficial de idiomas para a realización das probas de certificación por este réxime. O alumnado de probas homologadas procede dun curso CUALE. O alumnado dos cursos CALC procede dun curso de actualización lingüística e comunicativa para o profesorado. O alumnado dos cursos CALG procede dun curso de actualización de galego para o profesorado.	
Estrutura dos códigos: idioma-nivel-tipo	
Alumnado libre do nivel básico A2	A2-LI
Alumnado libre do nivel intermedio B1	B1-LI
Alumnado libre do nivel intermedio B2	B2-LI
Alumnado libre do nivel avanzado C1	C1-LI
Alumnado procedente dun curso CALC de nivel A2	A2-CAL
Alumnado procedente dun curso CALC de nivel B1	B1-CAL
Alumnado procedente dun curso CALC de nivel B2	B2-CAL
Alumnado procedente dun curso CALC de nivel C1	C1-CAL
Alumnado procedente dun curso CALC de nivel C2	C2-CAL
Alumnado procedente dun curso CALG de nivel B2	B2-CLG
Alumnado procedente dun curso CALG de nivel C1	C1-CLG
Alumnado procedente dun curso CALG de nivel C2	C2-CLG
Alumnado de probas homologadas CUALE de nivel A2	A2-CUA
Alumnado de probas homologadas CUALE de nivel B1	B1-CUA
Alumnado de probas homologadas CUALE de nivel B2	B2-CUA
Exemplos:	
Alumnado libre do nivel intermedio B2 de francés	FR-B2-LI
Alumnado procedente dun curso CALC de inglés do nivel intermedio B2	IN-B2-CAL
Alumnado procedente dun curso CALG do nivel avanzado C2	GA-C2-CLG
Alumnado de proba homologada CUALE-A2	IN-A2-CUA

